

En unserem Veedel

Text & Musik: T. Engel, D. Jaenisch,
G. Lückkerath, H. Priess, P. Schütten,
E. Stoklosa
Verlag: De Bläck Fööss Musikverlag

Wie sull dat nur wiggerjonn?
Wat bliv dann hück noch ston
Die Hüsjer un Jasse, die Stündcher beim
Klaafe, es dat vorbei?

En d'r Weetschaff op d'r Eck
Ston die Männer an d'r Thek.
Die Fraulückcher setze beim Schwätzje
zesamme, es dat vorbei?

Wat och passeet, dat Eine es doch klor:
Et Schönste, wat mer han
Schon all die lange Johr
Es unser Veedel,
Denn he hält mer zesamme,
ejal wat och passeet en unserem Veedel.

Uns Pänz, die spille nit em Jras,
Un fällt ens einer op de Nas,
Die Bühle un Schramme,
Die fleck mer zesamme,
Dann es et vorbei.

Wat och passeet, dat Eine es doch klor:
Et Schönste, wat mer han
Schon all die lange Johr es unser Veedel.
Denn he hält mer zesamme,
Ejal wat och passeet en unserem Veedel.

Dat es doch klor, mer blieven, wo mer sin,
Schon all die lange Johr
En unserem Veedel,
Denn he hält mer zesamme,
Ejal wat och passeet en unserem Veedel.

Wat och passeet, dat Eine es doch klor:
Et Schönste, wat mer han
Schon all die lange Johr es unser Veedel,
Denn he hält mer zesamme,
Ejal wat och passeet en unserem Veedel.